



Inatsisartuni ilaasortanut Kim Kielsen aamma Malik Berthelsen, SIUMUT

**Utoqqaat utoqqaallu pillugit misissuinerit pillugit § 37 tunngavigalugu
apeqqummut akissut**

15. maj 2012
Sagsnr. 2012-065943
Dok. Nr. 902281

Apeqqutinut qujanaq.

Postboks 260
3900 Nuuk
Tlf. (+299) 34 50 00
Fax (+299) 34 66 66
E-mail: ikinn@nanoq.gl
www.nanoq.gl

1. Utoqqarnut tunngatillugu periusissap saqqummiunneqarnissaa sioqqullugu, Naalakkersuisut qanoq annertutigisumik nunatsinni utoqqaat peqatigiiffiitut (tusarniaalluni) attaveqartarniarpa?
2. Misissuinerit qanoq amerlatigisut qanorlu pitsaassuseqartut kiisalu paasisat pigineqareersut suut utoqqarnut tunngatillugu periusissamut UKA 2012-imi saqqummiunneqartussamut tunngaviussappat?
3. Kalaallit Nunaanni utoqqaat inuuniarnikkut atugaat pillugit misissuinissamik sunik Naalakkersuisut massakut ingerlatsinissamik pilersaaruteqarpat?
4. Naalakkersuisut 2012-imi 2013-imiluunniit utoqqaat atugaat pillugit kiisalu utoqqarnik isumaginninnermut tunngatillugu utoqqarnik ataatsimeersuarnissamik isumasioqatigiisitsinissamilluunniit pilersaaruteqarpat? Taamaattoqanngippaat; Naalakkersuisut taamatut suliniutinik aallartitsinissamik pilersaaruteqarpat??
5. Kalaallit Nunaanni utoqqaat atugaat utoqqaat pillugit misissuinerit ilanngunneqarnissaat imaluunniit Nunani Avannarlerni suleqatigiinneranut atatillugu utoqqarnut tunngasut qanoq annertutigisumik ilanngunneqarnissaat Naalakkersuisut qulakkeerniarpaat?

Apeqqut 1 pillugu.

Nuna tamakkerlugu utoqqaat peqatigiiffiat Utoqqaat Nipaat Naalakkersuisut ingerlaavartumik oqaloqatigisarpaat. Tamatuma peqatigisaanik peqatigiiffiup ingerlanneqarneranut suliaanullu Utoqqaat Nipaat Naalakkersuisunit ukiumoortumik tapiiffigineqartarpoq. Utoqqarnut tunngatillugu periusissap suliarineqarneranut atatillugu oqaloqatigiinneq tamanna ingerlatinnarneqassaaq.

Apeqqut 2 pillugu.

Akilerartarneq Atugarissaarnerlu pillugit Isumalioqatigiissitap isumaliutissiissutaani aammalu Kalaallit Nunaanni 2005-2007-imi innuttaasut akornanni misissuinerit ilisimasamik peqartoqareerpoq. Aammattaaq utoqqarnut tunngatillugu periusissami ilisimasat naammaginatarmik annertussuseqarnissaat qulakkeerniarlugu paasissutissanik amerlanernik Naalakkersuisut pissarsiniassamaarput.

Apeqquut 3 pillugu.

Kalaallit Nunaanni utoqqaat inuuniarnikkut atugaat pillugit misissuinissamik Naalakkersuisut maannangaaq pilersaaruteqanngillat, utoqqaat inuuniarnikkut atugaat pillugit ilisimasani annertuunik peqareemat.

Apeqquut 4 pillugu.

Utoqqaat atugaat pillugit kiisalu utoqqarnik isumaginninnermut tunngatillugu utoqqarnik ataatsimeersuarnissamik isumasioqatigiitsinissamilluunniit ukioq manna ingerlatsisoqassanngilaq. Utoqqarnut tunngatillugu periusissaq malitseqartillugu 2013-imi utoqqarnik ataatsimeersuartsinissaq pilersaarutigineqarpoq.

Apeqquut 5 pillugu.

Nunani Avannarlerni Siunnersuisoqatigiit Kalaallit Nunaanni utoqqarnut atugassarititaasunik ilanngussinissaat pingaaruteqarpoq. Kalaallit Nunaanni issittumilu sumiiffinni utoqqaat inuit kulturigeqqaagaanni kinaassutsimik takussutissiisutut isigineqarput. Tamatuma peqatigisaanik utoqqaat ilaqutariit katersuuttarneranni qitiusumik inissimapput. Nunarsuarmioqataaleraluttuinnarnermi pisariaqalerpoq kinguaariit inuusunnerit kulturikkut inooqataanikkullu tunngavissaqanngitsutut misigisimanissaat pinngitsoortinniarlugu utoqqaat ilaqutariinni inuiaqatigiinnilu tunngaviunerisa attatiinnarneqarnissaa.

Inussiarnersumik inuulluaqqusillunga

Mimi Karlsen